

槐

廳

載

筆

槐廳載筆卷五

國子監祭酒法式善編

盛事二

于覺世字子先別號鐵樵初官歸德推官改令巢縣蝗不入境尤嫻武事嘗伏兵夜戰生擒巨盜後以終養不出唐豹巖太史稱桓臺二孝子謂鐵樵及傅侍御彤臣也徐東疑題其廣陵遊草云河北聲稱藉久傳江南名勝入新編中原氣格風頽後正始音徽雅正前見說衣裳同會合誰當鞭弭共周旋清吟有此于良史間氣全消五百年康熙辛酉與睢州湯文正公典試浙江得人最盛

山左詩  
抄案語

吾州有南北二李並以順治丙戌捷南宮陶菴公爲南李李棟字文衆康熙庚辰進士乃北李星來公源之子也與弟檉並有

文名倜儻尙氣節閩人高北侍宸遇盜傷甚危病卧逆旅先生見所為文自迎以歸延醫調治為親視藥裹焉既愈即延課子弟北李文章遂為吾州之冠康熙戊子典試貴州得人最盛同嘉善柯煜南陔康熙辛丑登第以磨勘黜落雍正癸卯復成進

士詞科  
宰錄

吳門繆侍講念齋彤少延宋既庭實穎為師而嘉定許子位自俊與宋友善時年已望六矣間過宋館舍侍講輒以伯呼之迨康熙丁未侍講大魁天下而庚戌會試即為同考官子位竟出門下侍講每語嘉定人曰吾中了汝鄉許伯矣柳南隨筆吳祭酒梅郵偉業連舉十三女而公子元朗曠始生時唐吏部東江孫華已為名諸生年亦及強矣湯餅會客儼然居上坐焉迨康熙戊辰元朗舉禮部而唐與之同榜事亦奇矣同上

自我九世祖直菴公中前明成化丙戌進士垂六葉皆不由科  
第我世父文林公暨我父中憲公先後以春秋中順天乙榜躋  
公車未第遂隨牒作令康熙己丑廕定兄年二十一登進士第  
越十年辛丑我同懷兄蕙圃聯捷被黜雍正癸卯再登進士第  
又越十年癸丑不才復以第五人成進士又越乾隆辛巳兄之  
子自鎮及孫庾會同榜登進士而庾會遂直史館繼直菴公後  
三代同堂一時稱盛事

謙受  
堂集

子庚辰典閩試臨辭

召問颶風及天后顯應事

上笑曰爾輩是上佛骨表者亦信佛耶

海山  
存稿

馬世俊字章民江南溧陽人順治辛丑

賜進士第一人官翰林院侍讀狀元對策隨題敷衍者多先生

獨侃侃直陳不負所學制義皆有根柢何義門學士云我

朝狀元前劉後韓公居其間鼎足爲三非妄許也詩品亦清正

不凡

國朝詩別裁集小傳

李孚青字丹壑江南合肥人文定公天馥子康熙己未進士官翰林院編修著有野香亭集丹壑十六歲館選人以黑頭公目之惜未四十辭世故流傳詩篇絕少

上同

黃叔琳字崑圃直隸宛平人康熙辛未

賜進士第三人官至吏部侍郎年十九登第後庚午辛未諸舉人進士兩詣其第稱後同年讌會誠

熙朝盛事云

上同

俞兆晟字叔穎浙江海鹽人康熙丙戌進士官內閣學士視學江左時諸生進謁相接如先生弟子論文行外兼及詩品畫理

以二者皆公所長也清風和氣至今猶想慕之

同上

宛平黃崑圃先生康熙辛未詞林子告後在長安主持風雅人有一技一長必爲揄揚無須識面李方伯涇來江南余往衙參一見便云崑圃先生交好耶余曰未也方伯云我出都時黃公以足下再三托我方知先生憐才有古人風庚午重赴鹿鳴詩曰蕊榜新開敞盛筵漫勞車馬問衰年雀羅門巷羣相訝鶴髮重聯桂籍仙辛未重赴瓊林詩曰天鼓聲喧曉漏餘春風吹雨洒庭除婆娑老眼看新榜髣髴雲接敞廬鶴返故巢無宿侶花開仙洞見新枝輶軒南國追疇昔風雨橋山愴夢思先生巡撫浙江追感

兩朝恩遇故詩中及之

隨劇詩話

乾隆丙辰

召試博學宏詞海內薦者二百餘人至九月而試 內殿者一百八十人詩題是山雞舞鏡七排十二韻限山字劉文定公有句云可能對語便關關

上深嘉獎親拔爲第一遂以編修致身宰相二百人中年最高者萬九沙先生諱經最少者爲枚全謝山庶常作公車徵士錄以先生居首枚署尾已亥枚還杭州先生之少子名福者持先生小像索詩余題一律有當年 丹詔召耆英驥尾龍頭記得詩之句詩載集中上同

詩占身分徃徃有之莊容可未遇時咏蠶云經綸猶有待吐屬已非凡後果以狀元致官亞相唐郭代公元振咏井云鑿處若教當要路爲君常濟徃來人亦此意也齊次風宗伯年十二登巾子山云江水連天白人烟滿地浮巾山山上望一覽小東甌

又記某太史改官爲令咏大樹云但教能覆地何必定參天同  
錢文端庚午典江西試寫榜吏陳巨儒鬚髯如雪求公贈手迹  
爲榮自陳年七十手寫文武試三十二榜公贈詩云桂籍憑伊  
腕力傳白頭從事地行仙自言作吏中書省曾侍朱衣四十年  
十月復寫武榜解首則其孫騰蛟也名初唱掀髯一笑筆墮于  
地中丞阿公喜極遣牙校馳箋索藩司彭公家屏贈詩彭方有  
劇務幕中客擬數首不稱公意遣吏飛馬請蔣蒼生來蔣方與  
友飲酒肆戀不肯行吏敦促至再扶鞭上馬比至則促召之使  
已四輩矣彭公遽起告以中丞索詩之使立馬簷下蔣笑曰某  
不知公有此急也濡筆立題一絕云榜頭題處笑開眉六十年  
來髯若絲官燭兩行人第一夜闌回憶抱孫時彭公得詩狂喜  
復酌蒼生送輕紗四端上

乙丑三十八歲是年始定三月會試著爲令四月榜發舉會試  
第一廷試二甲選翰林院庶吉士余素曉星平自推祿命利在  
東南木火之鄉是歲爲丙運乙年庶幾有合而江右日者萬長  
春以星盤限度俱佳必當掄元其人命理名重一時必將有驗  
遂極意揣摩場前所作濃郁入時冀博一當質諸胡太虛曰文  
固佳第闕中作此文字者不少似難與爭鋒不若守其故我清  
矯拔俗或亦制勝之道余韙其言初六入內城與陶叔載同小  
寓維時承甲子之後檢點甚嚴向例中翰入場具公服至是衣  
履與衆同而搜檢亦如之初九日題紙下題極閒冷濃則不稱  
清乃肖題旣憶太虛之言且體中受寒不適遂率意一揮日未  
下春三藝已就隨卽錄真經文亦不假搆思信筆直書凌晨而  
出二三場亦俱愜意心竊自喜四月十一榜發哀然爲舉首座

主相國史文靖公阿文端公大司馬茶陵彭公少司寇嘉善太傅錢文端公房師仁和錢公呈薦卽取中主司俱欣賞少司寇尤稱不去口以爲飄飄有仙氣列進呈第七卷蓋兩錢師會試皆第七仿古人傳衣鉢故事也

御覽十卷畢以一卷文太縟不如第七卷清真

御筆親改第一名闈墨極爲桐城張文和公任宗伯師所許可謂足息浮靡而一時名流亦僉謂有瞿鄧宗風余滋愧已

廷試對策書卷盡心力而爲之未盡一頁忽有墨點污卷不知所自來意欲刮補執事諸公僉云刮補難以進呈實爲可惜不如換卷重寫時已二鼓將曉始完憊甚不及細校交卷遽出歸家始憶重寫一策字悔已無及閱卷諸公咸以爲佳擬第四卷究以重字臨進呈易去及拆卷時每拆一卷

上必問會元在那裏衆未對問至三阿文端公對以不在內自  
六卷以下遂復拆名

聖主特達之知聞之不禁感而泣也 朝考論詔疏詩各一取

第五名揀選一等試曰新進士

賜紗葛二端前此未有也引

見時

上顧閣臣曰這是會元遂得館選教習爲少宰德公冢宰汪文  
端公分習漢書八月假歸同年史西山同舟唱和甚夥十月抵  
家時祖父母俱康強榮祿公於諸孫中素愛余期望甚切至是  
喜慰之甚是年除夕景象迥異從前矣

時菴白  
訂年譜

沈椒園先生未遇時有日者謂曰異哉君星命應入詞垣官中  
外然科名無分求一第不可得公以爲誕日者自負精於數亦

不解其故公連困棘闈乾隆丙辰應博學宏詞科授館職歷官

按察使

秋燈叢話

丁丑科少宗伯介福總裁載亦同考放榜前少宗伯有詩云三

見門生是狀元蓋辛未甲戌皆公總裁也

韓石齋詩集註

少宗伯介福四爲會試總裁兩主順天鄉試一主江南鄉試一

主浙江鄉試

同上

大學士劉文定公武進學廩生年二十六舉博學鴻詞科擢第一廷試五六天地之中合賦諸徵士不解所出多瞠目縮手公獨揮翰如飛桐城張文和公故睨公卷對衆朗吟始共得題解詩題山鷄舞鏡有句云似擬投林方戢戢可能對語便關關一時傳誦時吳郡沈歸愚宗伯亦以諸生赴

召試未第頰首曰吾輩頭顱如許乃不如一白望後生得不愧

死

笑現  
現談

甲戌會榜莊本淳先生中式第三會元胡紹鼎第二則吾師朱春浦先生蔡元也莊爲長洲彭芝庭尙書壻尙書笑謂曰君當作狀元不見榜頭書鼎元莊耶及殿試果一甲一名一時語

慧遂成佳識

同上

莆陽科第錄宋三百年間莆人舉進士者九百七十餘人諸科特奏者六百四十餘人其中魁天下者五人登宰輔者六人明自洪武庚戌迄嘉靖戊子凡五十二舉由鄉薦者千一百一十一人登甲科者三百二十四人狀元二人探花四人會元一人會魁七人解元二十五人吾邑錢麟菴人麟莊南村柱兩先生輯毗陵科第考自順治乙酉迄乾隆戊戌亦五十二舉鄉薦甲科名數差少於莆陽而其中狀元四人榜眼二人探花四人會元

二人解元二人博學鴻詞二人翰林五十六人登宰輔者四人  
尚書以下八座者共二十七人會魁傳臚並京堂科道主試總  
裁提學藩臬等官不暇計也而又易名者六人入賢良祠者三  
人昭忠祠者二人較之莆陽盛矣吾郡梁溪甲第仕宦之盛不  
減毗陵義興次之亦復元魁接踵郡志久不復修惜無有專書  
紀之者同

撫言唐大中中張又新號張三頭胡進士狀頭宏詞勅頭京兆  
解頭也說儲又載唐崔元翰京兆解頭禮部狀頭宏詞勅頭制  
科三等勅頭則并中四元矣宋史列傳第七十六卷論謂宋進  
士自鄉舉至廷試皆第一者王曾宋庠爲名宰相馮京爲名執  
政是宋時三元共三人然王巖叟傳以明經科鄉舉省試廷對  
皆第一則亦三元也但明經非進士科耳至孫何傳舉進士開

封府禮部皆首薦及第又得甲科楊寘傳試國子監禮部皆第一  
一廷試時仁宗喜動顏色擢爲第一則孫何楊寘亦三元也金  
史孟宗獻發解第一楊伯仁讀其文謂當成大名是歲宗獻府  
試省試廷試皆第一時稱爲孟四元蓋金時多一府試也輟耕  
錄元時三元一人王宗哲字元舉至正戊子科三元進士明史  
商輅傳輅舉鄉試第一正統十年會試殿試皆第一明代三元  
者惟輅一人然雞窗剩言記黃觀洪武甲子南京解元辛未會  
試第一廷對禦戎策太祖擢置狀頭亦見傅維麟明書忠節傳  
則洪武中已有一人不獨商文毅也

本朝百餘年來未有中三元者乾隆四十六年辛丑科蘇州錢

湘齡榮以己亥解元掇會狀遂備茲盛事

陔餘叢考

前明主會試三次者王元美推爲盛事我

朝熊孝感五主會試范文端李高陽陳澤州朱高安張文和史

文靖皆三主會試劉文正介受祉宗伯凡四爲總裁

茶餘客話

江南康熙癸卯鄉試一榜出兩鼎甲五尙書三大學士典試者

爲編修王勗工科給事王曰高近則己卯一科得人最盛十年

中己出二殿元秦大成張書勳

同上

己酉浙江鄉試得人最盛然名重當時者二人俱中副車胡稚

威天游齊次風召南也

同上

同胞三及第崑山徐氏而後惟武進莊存與乙丑榜眼弟培因

甲戌狀元

藤陰雜記

同邑一榜及第康熙壬辰狀元王世琛探花徐葆光俱長洲人

乙未狀元徐陶璋榜眼繆曰藻會元傳臚李錦俱蘇州人雍正

庚戌狀元周爵探花梁詩正俱錢塘人乾隆壬戌榜眼楊述會

探花湯大紳俱武進人乙丑狀元錢維城榜眼莊存與俱武進

人

上同

鼎甲三人同時入座康熙癸丑狀元韓大宗伯莢謚文懿榜眼王大司農鴻緒探花徐侍郎秉義乾隆乙丑狀元錢少司寇維城贈尙書謚文敏榜眼莊少宗伯存與探花王大司農際華謚文莊越十餘年會元蔣少司馬元益以待御歷侍郎一時稱盛文敏未幾卒于家文莊師卒于位莊公休歸卽卒獨蔣少司馬

年八十餘

上同

乾隆丙辰榜眼黃孫懋五年卽擢閣學而卒探花秦大司寇蕙田謚文恭狀元金總憲德瑛傳臚蔡中堂新二甲一名曹大宗伯秀先謚文恭俱官一品金秦俱六十外卒漳浦以宰輔致仕十年重宴鹿鳴年九十

上同

祖孫父子同科江西奉新甘莊恪汝來官巡撫時父萬達弟汝逢子禾雍正丙午同舉于鄉封公後官知縣不受冢宰封誥亦

奇

同上

父子同登進士乾隆己未烏程費瀛子蘭先甲戌嘉善周翼洙子升桓辛巳大興邵自鎮子庾曾前此未查若父子同科及同

胞同舉尚多不及錄

同上

同胞同登進士順治丙戌膠州法若真若貞己丑烏程姚延啟延著康熙丁未宜興儲方慶善慶庚戌福山鹿廷瑛廷瑄丙辰歸安沈涵三曾聯名入翰林己丑長洲張學庠學賢大興黃叔琬叔璫乙未長洲李錦文銳乾隆丁巳歸安潘汝誠汝龍戊辰涿州劉湘洵己丑山陰沈詩李詩杜本學生壬辰咸寧賈策安策治戊戌大興邵自昌自悅丁未靈石何元煇道生乙卯吾郡

王以鏞中會元第二名卽胞兄以銜廷對狀元則前此所未有

嘉慶丙辰南昌許庭椿應喈

同上

同胞三同甲康熙辛丑宜興儲大文會元弟郁文雄文同榜

同上

同胞五登甲科大興金澍溶洪濬門懸五子登科額同年邵楚帆侍御自昌弟自華自悅自本自和自巽自彭則六正榜一

副榜

同上

祖孫會狀康熙丙辰彭定求雍正丁未彭啟豐亦無繼者父子鼎甲溧陽任蘭枝癸巳榜眼子端書丁巳探花鎮洋汪廷璵戊辰探花子學金辛丑探花

同上

己亥江南解元錢棨辛丑會狀翁閣學作三元詩德定圍師和韻趙雲崧翼作三元考謂唐張又新崔元翰宋孫何王曾宋庠楊寘王巖叟馮京金孟宗獻王宗哲明商輅及錢而十二

同上

國朝年少登第順治丁亥王文靖熙年二十乙未伊文靖桑阿  
年十六戊戌陳文貞廷敬年二十康熙己未李丹壑字青年十  
六辛未黃崑圃叔琳年二十庚辰史文靖年十九壬辰舒大成  
年十八辛丑勵少司寇宗萬年十七雍正庚戌嵇文恭公年二

十  
上同

乾隆朝年少登第丁巳德定圃師年十九己未蔣編修麟昌年  
十九乙丑夢侍郎麟年十八戊辰朱大司馬珪年十八壬申翁  
閣學方綱年二十熊觀察恩綬年十七甲戌戈太僕源年十九  
丁丑彭紹升年十八辛巳秦中丞承恩年二十丙戌祥布政鼐  
年二十甲辰蔣編修攸銛文學士寧溟年十九

上同

大宗伯德定圃師乾隆癸未己丑庚子辛丑甲辰五典會試韓  
城王中堂乾隆乙未戊戌丁未己酉庚戌五典會試前此孝感

蘇文端公賜履康熙癸丑甲戌丁丑庚辰癸未五典會試少宗  
伯介師乾隆辛未甲戌丁丑庚辰四典會試諸城劉文正公統  
勲乾隆辛未丁丑辛巳辛卯四典會試高陽李文勤公霽順治  
戊戌康熙甲辰丙辰三典會試澤州陳文貞公廷敬康熙壬戌  
辛卯癸未三典會試桐城張文和公廷玉雍正癸卯甲辰乾隆  
丁巳三典會試溧陽史文靖公貽直雍正甲辰丁未乾隆乙丑

三典會試

同上

宜興陳其年維崧年四十餘尙爲諸生有日者謂曰君過五十  
必入翰林梅杓司磊贈詩朝來日者橋邊過爲許功名似馬周  
已未果以鴻博授檢討年五十六名士晚達康熙丁丑姜西溟  
宸英七十三中探花癸未王樓邨式丹五十九會狀宮恕堂鴻  
愿五十八查他山慎行五十四巳丑何端簡世基五十八壬辰

初文良煦五十八乙未裘璉七十二辛丑陸坡星奎勲五十九俱入翰林乾隆丙辰劉起振八十歲授檢討己未沈歸愚尙書六十七入翰林癸丑吳貽詠五十八歲中會元入翰林嘉慶丙辰元和王巖八十六歲中式尙未殿試同上

康熙乙丑會試王司農鴻緒爲總裁胞兄九齡爲同考若兄弟同科典試分校康熙己未沈三會涵乾隆癸卯吳蠡濤主政俊雲南副主考中書弟樹萱湖南副主考甲辰會試同爲分校官壬子順天鄉試吳學士樹本弟助教孝顯同考甲寅順天鄉試何農部元煇全弟水部道生充同考官同上

錢少宗伯載雍正壬子中副榜時金檜門總憲客禾訂交丙辰大魁宗伯屢試不售日者謂逢申方中年四十五壬申果聯捷出睦朝棟門睦乃總憲辛酉江南所得士也于是執小門生禮

維謹自是典文衡陟卿貳七十歸田八十七方卒葺約軒中丞  
謙恒二十拔貢名噪詞場四十四癸未及第不十年開府黔中

嗣三人詞館再領成均官止鴻臚七十七卒

同上

癸未一榜英才濟濟擬鼎甲者初未知秦大成名也呼名時秦  
親本寢繭冠纓帽幾于一軍皆驚寓衣肆中無第可歸繼而訂  
交接其言論篤實可欽性至孝隨乞養侍母越十五年補官年  
將六十僅一分房假歸旋卒先是會榜第三本定張書勳以論  
誤斥去于落卷中搜秦卷補之占大魁張隨中丙戌狀元

同上

吾郡明初科名不振會榜恒脫自成化初建萬魁塔于碧浪湖  
自是不脫榜者三百餘年塔尖年久爲風刮落已酉會試浙省  
減至七名湖遂無中選者時雷紹堂前輩輪守郡率彥明府圖  
等倡捐修復工甫竣而庚戌癸丑中四人三人翰林張觀察師

誠葉編修紹楨蔡太史之定也乙卯王寶華以銜會試第一王

著冰以銜第二 廷對遂大魁同胞上第尤科名盛事不僅一

郡佳話丙辰袁斗槐魁又會試第一同郡連科亦未之見吳興詩話

戊戌科會試于文襄王韓城總裁狀元且是師生同考有秦大

成陳初哲黃軒金榜四狀元是時京師狀元無不入闈是科狀

元戴衢亨卽出金房皆盛事也百技齋雜錄

雍正己酉壬子乙卯三科鄉試聘隣省舉人同考浙江錢相人

琦出福建舉人林瑞泉房丁巳入翰林乙丑同考林子乙丑成

進士出張太史映斗房錢子填榜時卽認張爲太老師出闈率

所中會元蔣元益狀元錢維城等謁林同年而稱太老師蔣與

林又己酉同年一時傳爲佳話歸班終于蜀令同上

熊文端賜履癸丑三十九歲會試總裁得韓葵等一百五十人

有薦舉原任直隸內黃縣知縣張沐原任江南江都縣知縣軒  
轅一疏冬

上特召至起居注館同葉方藹張英韓葵等試作太極圖說大  
稱

旨拔置第一因問平時所著明道之書先生以閑道錄對  
命取進呈先生趨歸取刻本詣 宏德殿恭進次早入侍 講

筵

上霽色謂曰朕披閱所著閑道錄正大精醇斯誠斯文的派也  
少頃又曰錄中崇正闢邪極透切有功聖道不淺遂

親題其籤曰熊學士閑道錄置之

御几蓋異數也

紅欄書  
屋文集

熊賜瑛字宗玉孝感人順治戊戌進士與從兄賜履鄉會聯鑾

同授庶常海內有郊祁之目歷官國子監司業

詩錄

乾隆甲午順天鄉試分校官

特旨用京堂七員小京官四員三舉人一拔貢出身內助教汪

如藻徐立綱俱乙未進士選庶吉士吳省蘭戊戌

賜進士選庶吉士惟朱衣點以大理寺丞終

史館雜記

吳綺字蘭次江都人順治九年以拔貢生授中書舍人奉

詔譜楊繼盛傳奇稱

旨卽以楊繼盛之官官之時以爲榮

淮海英靈集

俞梅字師巖一字太羹泰州人父澱官中書太羹康熙癸未成

進士授翰林院編修

聖祖南巡

召梅父澱見

賜御書耆年詒穀額

特命梅充揚州詩局纂修官公校康熙字典一統志分韻唐詩  
政治典訓諸書癸巳山西典試闈中飛奏減官卷正額三名取  
額外五經民卷補之孫尙書嘉淦王中丞師李侍御徽皆出其

門同上

學政弟兄交代者庚子年福建則朱學士珪出使代其兄編修  
筠辛亥年四月直隸則吳宮詹省蘭出使代其兄侍郎省欽皆

詞林盛事

曉讀書  
齋雜錄

壬子科江南正考官禮部侍郎鐵保副考官內閣學士兼禮部  
侍郎李潢外省正副考官皆用二品前此未之有也同上

乾隆壬子科典貴州試者爲蔣編修攸銛錢檢討開仕及甲寅  
二人復同典陝西試正副亦如貴州時亦異事也同上

乾隆癸酉江西鄉試分宜令天門陳公大經典房考官入闈前一夕夢迎天榜衆鼓樂送一匾額至其家書曰三元及第旣而本房取中七人內三人爲樂平胡羽堯先生名翹元大庾戴箕

圃先生名第元南昌彭芸楣先生名元瑞後皆登進士第

耳食錄

七月初十日早行望朗陵山東漢以山名縣雲巖令祖文端公雍正己酉奉使爲湖南正考官時有朗陵道中一詩刻之香樹齋集中閱七十年而文孫又來是省充是官誠佳話也九十里

宿明港驛各次原韻一首

使湘紀驛

高要謝啟祚康熙癸酉年生辛卯年入庠子十三人孫二十八人曾孫十三人元孫一人婿十人乾隆丙午年中本省鄉試第六十一名場前七月戲作老女嫁一律云行年九十八出嫁弗勝羞照鏡花生面光梳雪滿頭自知真處子人號老風流寄語

青春女休誇早好速

宜泉筆記

嘉慶四年己未會試中二百九名同胞中式者滿洲廉善廉能  
大興俞恒澤恒潤大荔淡士濤士淳亦近科所未有

石鼓齋續錄

槐廳載筆卷六

國子監祭酒法式善編

知遇

沈繹堂太史昔以明經 廷對兒熙適與較閱讀其文而拔之

青箱堂文集

甲子秋翰林徐子浩軒偕給諫楊子覺山被

簡命來典江南試事既撤棘得士七十有三人而宜與潘生舒

原質領解額浩軒予癸丑所得士也潘生以浩軒故率齊年諸

友拜予於牀下執禮甚恭

經義齋集

此予癸卯分校所閱李生小調之闈卷也再六年戊申予改知  
永新以小調文行甚高多與往返小調自言癸卯之役詭得忽  
失卷尙在獨不識主司名急取觀之則卽予所黜次者硃墨爛

班恍然昨日小調意色殊矜昔子瞻知貢舉不得李薦子瞻以  
色終迷引咎薦終不能無怨望今小調不以予之不力薦為恨  
而反以曾為予所賞識為歡小調器量遠矣假使予循次信州  
可量移去不改補丞新則即不能知有小調又安能知六年前  
已曾識小調之卷耶即斯因緣邂逅而予與小調俱可適然於  
時數之間矣

託素齋  
文集

大興劉顯績字元公明崇禎丁丑進士順治初官給事中終陝  
西僉事有知人之鑒前明崇禎癸未會試為同考官得大學士  
成公克鞏刑部尚書謚端恪姚公文然學士魏公天賞順治丁  
亥會試再為同考官得大學士王公熙大學士李公之芳太常  
卿一甲第二程公芳朝修撰一甲第三蔣公超而四川按察使  
宋公琬詩家宗匠亦本房也視朱平涵相國湧幢小品所載吳

中丞維嶽以嘉靖丁未分考得張相居正殷相士儋陸尙書光祖汪侍郎道昆胡太常正蒙胡又會元也前後可以方軌然劉得人二次尤奇

居易錄

伊闕字盧源別號翁菴與母弟嶽同學齊名順治甲申乙酉間邑人士倡爲曉社公兄弟爲職志人稱二伊戊子領山東解額第一文傳四方乙未成進士

世祖章皇帝留意人才初破館選分省故例

駕幸南苑引見諸進士改庶吉士三十二人至公名

上顧左右曰此山東解元有文名公之受知自此始旣入翰林每

御試唱名及輒語左右如前丙申四月特授科道若干人公授

廣西道監察御史在翰林甫歲餘蓋異數也

漁洋山人文略

余三上公車辛丑之役始受知于澤州說岩陳公殿試後益都  
太宰止亭孫公恒山大司馬玉立梁公俱推拙卷爲首進呈三  
日矣或以余策中引用漢書五行志數語爲不典二公力爭不  
可得遂抑置二甲第二拔馬君世俊爲第一馬亦予同門生也  
功名分定區區前後亦烏足較而知我之感何敢一日忘也孫  
公復以詩見慰云

聖主乘乾日鴻儀漸陸年衣冠江左盛詞賦郢中傳劍氣星文  
起珠光璧月聯天人資廟略舟楫濟洪川奇對終生少新書賈  
傅賢驚鳴難衆和抗浪得先鞭金馬青霄上銅龍曉仗前來沾  
仙掌露歸惹御爐烟命達才偏勝時清道易全老夫覘壯業多

在五雲邊

三闕  
識畧

康熙己酉余分校晉闈所得士馮雲驢等而陸肯堂胡任輿俱

出雲驢辛西南榜

寄園奇所奇

李檢討乞終養疏情詞懇惻比之李令伯之陳情殆又過之是時通政司不肯上疏檢討乃自齋疏跪午門外三日遂得

上聞奉

俞旨許終養還歸富平不復出

渭仁筆記

康熙十有七年春

天子法古制科取士

詔在廷諸臣暨外督撫大吏各舉博學之彥毋論已仕未仕徵  
詣

闕月給太倉祿米明年三月朔

召試太和殿廷發題賦序詩各一首學士院散官紙光祿布席賜譙體仁閣下於時無錫嚴君成省耕一詩而退賦序置不作

也

天子擢五十人纂修明史部議分資格進士出身者以館職用  
餘給待詔銜俟史成日授官

詔下五十人齊入翰苑布衣與選者四人除檢討富平李君因  
爲吳江潘君耒其二子及君也君文未盈卷特爲

天子所簡尤異數云耒幾李君疏請歸田養母得

旨去三布衣者騎驢入史局卯入申出監修總裁交相引助越  
二年

上命添設日講官知起居注八員則三布衣悉與焉是秋予奉  
命典江南鄉試君亦主考山西比還歲更始正月旣望

天子以逆藩悉定置酒 乾清宮飲讌近臣

賜坐殿上樂作羣臣以次捧觴上壽依漢元封柏梁臺故事

上親賦昇平嘉謠詩

首倡麗日和風被萬方之句君與潘君同九十八繼和

御製序文勒石二月潘君分校禮闈卷三布衣先後均有得士

之目

舉書  
集

徐欽載拜前三月十六日見邸抄知不肖以博學宏詞與曹溶等七十五人同被薦舉於朝某驚懼不知所出隨於閏三月十五日接老師手諭云當宁求才不佞以足下人告倘蒙

睿簡賞拔可不負夙昔所學不佞亦獲盡以人事君之誼欽跪

讀之涕泗感激

南州草  
堂集

鐵庵翁公康熙壬子舉於其鄉丙辰提南宮

上親試於廷策第三人

賜及第授翰林院編修戊午秋

御試第一旋奉

命典山東鄉試得畢世持等五十有三人多拔之已棄之牘海

內翁然稱最盛是執信受知於公之歲也

怡山文集

余分校京闈自念平生困頓由不能隨世俯仰幸膺

簡命其敢輕視都人士顧操繩尺以衡人求其性情出拔無有也中秋日獲一卷澹折靈竒初不見其可喜余恐率易失之掩卷深思者彌日覺性情所發真有卽之愈深味之愈永者不禁三呼嘆絕亟以第一人薦兩主司雖加稱賞顧以余執持過切踴疑之余聞慨然曰安有求真才而使人疑者乎於是詣聚奎堂引天日自誓且告主司曰兩君掄文畿輔將取其真才積學乎抑姑隨世俯仰也今所見揣摩之業滿几案性情之發獨此卷耳夫人負才學而不我遇斯已矣旣識之而又姑聽焉某實

不忍兩君獨不爲天地惜才爲

國家得士乎於是兩主司欣然曰君毋過激人能以性情爲文豈有私者凡八薦乃以第七人冠本房當是時余詞色俱厲同事皆爲太息榜發則桐城馬生也余不識生何如人吳戶部五崖張學士敦復詣余稱生不置口且曰得名士難得寒士更難君獨爲其難者余笑而謝之

健松齋集

府君氏王諱清順治乙未分校禮闈得盧公易等二十有二人康熙庚戌會試再充主考官得宮公夢仁等三百八人計自甲辰以及庚戌凡三充 殿試讀卷官今探花董公訥徐公乾學編修耿公願魯主事田公雯皆府君所首擢也

修月堂集

及第紀

恩示同年蔡石公孫芭瞻席帽頻年挾策遊叨蒙一第

主恩優同時名姓稱龍尾幾部笙簫簇馬頭懸綵 御街金榜  
出開筵大府玉觴留送歸函簿寒儒邸九陌人爭看擁騶惜園文集  
康熙五十二年先大夫補授吏部右侍郎仍兼管翰林院掌院  
學士事赴熱河謝

恩

上問滿掌院揆公曰聞湯右曾工于詩有刻者可令進呈揆公  
奏曰刻者未之見適在臣寓有所作文官果詩

上卽命取閱隨

御製一首

賜和有叢香葉密待詩公之句舉朝傳誦以爲

聖眷特渥儒臣至榮同官諸鉅公因羣然屬和一時

天章雲爛秀映河山鼓吹隆平千秋僅見今未敢彙入集中敬

另編之卷首以紀

天恩以垂不朽男學顯謹記

廣清堂集

孫子之會試出給事何公楷之門公薦於新城王先生先生擊節起舞嘆爲曠代奇才將以第一人置之而或有尼之者詆其文爲未軌於法何公力爭而屢得之先是何公嘗招余余守耿介之性未之謁也是役也余試卷適分屬公公詳加評閱鄭重許可而未及薦余始若有不豫然乃今知起山出於其門不惟嘆公之知人而且嘆公之知己蓋公能於數千百人中特識一奇士而又不以同列之忌不避嫌怨而力爭可不謂賢乎公之招余知己也余之不往自知也古人有言黜而宜乃知我矣余之文萬不及起山其黜之也固宜可不謂知乎厲柱叔事言敖公莒敖公不知莒敖有難厲柱叔死之古人於不知己且如此

况公實知我而有不流涕太息而自愧其負公之知者乎

太僕集

雍正元年癸卯蒙

恩召入 內廷侍直旋

擢都察院左僉都御史出撫中州隨奉

特旨卽于本省典試

師善堂詩集註

曹顧菴登南宮上第宰相愛其門地才華亟欲致之館閣於時安邱孟縣兩館師皆極天下之望恒傾心下之顧菴以文詞翱翔諸公遊士之間每一揮毫霞明玉映諸翰林皆自以爲不及

也

今世說

雍正丁未試南宮

上以春寒賜天下貢士綿衣薑茶試畢羣詣 闕謝恩 太宗伯

吳公襄宣於衆曰

上有旨汝輩他日作官當如張鵬翮朱軾方不愧朝廷其見重

如此

白鶴  
堂稿

雍正十有一年

世宗皇帝特詔開博學鴻詞科令在京三品以上大臣在外總督巡撫會同學臣薦舉人品端純學問優贍之士以應

御試蓋自康熙已未

召試距茲歲垂六十年矣事嚴典曠中外相顧莫敢先發踰年河東督臣舉一人直隸督臣舉二人他莫有舉者

特旨切責諸臣觀望又踰年大學士高安朱公舉四人而封疆大吏所舉猶趑趄不前今

上登極再詔督促余方蒙

恩以久廢起官戶部與仁和趙公同爲侍郎其從弟意林來謁

投南宋雜事詩七卷同賦者七人百首而意林與其兄谷林並在焉詩七百首隸事至三千餘條其學可謂博而詞亦可謂鴻矣亟欲舉意林應

詔意林辭讓謂公誠有意願舉吾兄賢哉讓乎世人急名利小得失走若鶩博學鴻詞大名也中卽官清華大利也獨以讓兄豈易能哉余未識谷林止見其詩然能致其弟敬讓則其能友愛可知二趙子詩筆如彼學問固優贍而人品豈不亦端純乎因舉谷林以成意林之意而意林旋亦被舉明年天下所舉士集

闕下者百八十餘人

天子臨軒親試之讀卷者猶持嚴重之意僅以十五卷

上於是二趙子俱報罷蓋中額監視已未四之一耳已未三取

一人今十不能得一也未幾意林來告歸欲得贈言余謂博學  
鴻辭以實不以名有其實雖不中猶中也韓文公三試於吏部  
卒無成然唐之中是科者其學與辭未嘗敢加於韓公子歸菑  
勉其學充其辭不遇固無害况遇乎世人病宋史蕪謬余嘗欲  
修治之子兄弟熟於宋事吾知他日必有以助余者文章經國  
之大業科名烏足爲重輕哉因序其事以送其行

初稿

余主庚午京闈得一五經卷才氣超軼兼數人之長二場所擬  
詔語復極典雅心知爲才士亟取入解額及榜發則陽湖趙生

雲松也

松泉文集

昔子主戊辰禮闈試得廣昌賴子錫蕃之文見其有五家風格  
而鎔經鑄史軒豁呈露顧謂同事諸公曰是卷說理真純風骨  
峻整他日立朝當著正直聲在外必爲廉能吏諸公僉以爲然

榜發來謁問其所得力則誦習五家之文而不爲束縛者也

文

義門何先生焯少英奇爲秋岳曹公言遠王公所器重旣冠以  
崇明學生選拔入太學歲壬午

聖祖東狩駐涿州安溪李文貞公時撫直隸迎謁道左  
上從容問野寧有遺賢乎公以先生對旣

召試遂直

南書房

賜舉人循禮部試不第又

賜進士對策高等改庶吉士

命侍讀入貝勒府充

武英殿纂修後又以李文貞公薦授翰林院編修

集虛齋  
文集

無錫蔣遵路爲人愷憐有氣骨詩如其人國初爲諸生病耳聾  
一日就試題爲吾學殷禮句同號生誤認作論語遵路乃朗誦  
有宋存焉其人致謝而猶誦不已學使者攝二人俱對令跪遵  
路曰無與鄰號生事乃某文得意不禁高聲耳學使者閱其草  
稿大聲曰做完後來領責及案出遵路第一晚年教授自給不  
求於外鄉里高之

震滄集

何端簡公世堪少貧每借讀鄰塾經史過目輒成誦稱爲神童  
同里王漁洋公愛重之授以詩康熙甲子鄉試魁其經制義風  
行海內己丑成進士改庶吉士座主李文貞公愛重之授以經  
學

世宗御極由檢討兼山西道御史典江西鄉試卽

命視浙江學政未竣授兩淮鹽運使清節著聞超擢貴州巡撫

六年遷刑部侍郎調戶部再調吏部授直隸總督積勞成疾已  
西正月

特遣官慰勞未至先一日而卒貧無以爲葬

賜帑金千兩爲治其喪崇祀名宦鄉賢祠謚端簡

賈綸堂遺文

公諱大受字占咸籍湖南之祁陽以進士起家爲庶吉士既授  
翰林院編修乾隆丁巳夏

上親試諸翰林於 乾清宮公特以文被知遇名在第一卽改  
官侍讀九月遷爲學士凡四閱月自學士四遷至吏部侍郎公  
官之遷速也始雖由文字然

上察知公勤慎足任重大會安慶巡撫闕遂以

命公公自庶吉士爲侍郎出撫至是僅七年近世以來未有也

石筍山  
房文集

鄧宗伯鍾岳吾東舊家其尊考遊江南日嘗以千金購書宗伯年方羈卯讀之畧盡故自少卽以博洽著聞然性謙退恂恂若不知者鄉前輩以此決其遠到工書法求無不應友愛諸弟或暮歸過時必俟之於門諸弟至不敢夜出大魁後同年百七十餘人無一不浹洽歎曲朝議亦共推之雍正乙卯簡江南副主考丁艱歸起復後簡江南學院乾隆甲子丁卯復連典江南鄉試其文學德行爲

上所深知後以老病休致卒於家

山左詩鈔案語

陳廷敬字子端別號說巖澤州人六七歲從塾師受句讀見左氏春秋傳喜而竊誦之嗣後見他古文無不然家固多書從兄庶常公尤好古訓從學之盡發所藏書縱觀之年二十釋褐登朝優游詞館時龔芝麓宗伯以風雅號召天下諸名士皆出門

下而新城王貽上最有詩名先生詩不與之合獨奇其詩因以自負然卒不合間亦爲古文以自娛長洲汪茗文見而大異之感激汪言遂肆力於古文自有得焉其後

召見殿中問朝臣誰最能詩舉貽上

詔求宏博鴻儒備顧問舉茗文兩人用此官翰林益相切劘砥礪以盡其材之兩人者一爲詩伯一爲文宗卓然爲

本朝第一手而吹噓上送名達天衢出谷遷喬聲華赫奕實由先生一言推轂誠所謂文章報國而得以人事君之道者矣詩鈔

傳小

吳廷楨字山掄長洲人所居曰南村因自稱南村居士少負異稟爲文章惟意所適咸渾然若天成初名棟前後試有司者二十有三皆第一顧不能博一衿一夕夢泥金報至以今名中第

八名進士醒而異之既久困無聊有故人宦京邸招之爲童子師首尾十年丙子秋陝士或援例入太學病不能至願得替入問其名則廷楨是觸前夢因借資入闈果獲雋榜後又以異籍黜遂南歸已卯

聖祖皇帝南巡人士多獻詩

御覽

上獨奇山掄作拔第一復鄉舉名俾入直武英殿癸未登科殿試二甲第五名進士合一甲三人則適符所夢名數也入館授職歲戊子以左諭德充江西主考得士爲盛而李穆堂級實領解云上同

李必恒字百藥江南高郵人邑廩生宋漫堂中丞選江左十五子詩厥後十五人中殿撰一人位大宗伯者一人大學士者一

人餘任官層入翰林者指不勝屈而李丈以諸生終且耳聾多病年止中壽何其厄也然詩格之高才力之大可久者應讓此人事久論定所得果孰多孰少即惜未見全稿祇從選本中錄出不無遺憾云

國朝詩別裁集小傳

顧我錡字湘南江南吳江人廩生鄂文端任江蘇藩使時古學試士得五十三人湘南爲冠後舉博學鴻詞文端奏請若爲湘南設也及

詔下而湘南歿矣豐于才高於命文端歎息彌襟

同上

編修秦樹蔣君爲余辛巳分校禮闈所得士其榜名在余房爲第一人是時君已官中書與余居同巷余家在日南坊李鐵拐斜街之北君居在南初不相往來至是榜發來謁始識君面溫然敦篤君子也

簡河文鈔

康熙壬午江南鄉試第六名王式丹出先外祖張鑿茲先生房先生是科分校南闈於三千卷中最後乃得此卷閱之卽欣然薦元謂此必名宿老手且告主司曰我

朝從無三元今此卷得元當必聯捷會狀三元開自此矣主司亦極首肯謂此卷掄元無愧乃房官有許君者與主司陳公有舊必欲元出自已主司不得已謂先外祖曰張年翁如讓一元房中多中官卷兩名先外祖應曰卽多中官卷終不如得三元主司終徇許君意位置此卷第六非先外祖意也榜發果金陵名士其後聯捷會狀主司見先外祖有愧色謂當日何不極力相爭也附記於此見文章自有定價而名次之先後非所論也

墨卷賞  
心集

江西周力堂學士癸卯鄉試文思幽奧房官不能句讀批抹之

置孫山外晚間各歸寢其房考忽墜語曰如此佳文而汝不知  
尚忝然作房考乎自罵不止家人以爲中風急請衆房考檢視  
之得所抹周卷讀之俱不甚解乃曰試薦之何如大主考爲禮  
部侍郎任公蘭枝閱而驚曰此奇文通場所無可以冠多士也  
遂定此科第一

新齊諧

少宗伯介福雍正壬子舉京兆載以是年副浙江榜己巳蒙公  
以經學薦庚午考取入旗教習壬申舉京兆公爲座主

廷試公充讀卷官又閱

朝考卷教習庶常載以次及列

禪石齋詩集注

朱之錫字梅麓義烏人順治三年登進士第由庶吉士授宏文  
院編修

世廟時幸館嘗見之錫嘉其勤給筆札賦詩有 禁內盤盂皆

敬勝猶懷筆諫效前賢句

覽之大喜

命坐賜茶及袍遷正曆事續纂綱目之錫分盤古氏迄唐堯多折衷于仁山前編又分纂六曹章奏遷學士上直稟擬悉稱

旨遇

巡幸必扈從遷吏部右侍郎晉兵部尙書河道總督

金華詩錄

康熙庚午江南鄉試得人最盛時同考廖騰崖得劉捷卷首薦時元卷已定主司欲置第二廖不可曰留來科作元遂擯落而是科元自捷兄輝祖也後數年廖以御史典江南試以書屬輝祖授捷爲闈中物色計輝祖星夜馳歸中途病阻書不得達廖入闈徧求捷卷不得太息累日及揭曉捷已哀然舉首矣噫針芥之合夫豈偶然向使輝祖不病授書區區一解元何足以顯

文字遇合之奇故此事余聞之周丈白民云

茶餘客話

科名得失遲早高下莫不由命戊辰會試鄂虛亭司馬容安閱江南卷已中定三十卷又選其次者十卷暗藏枕下以防意外更易及進

呈前十卷內江南一卷後場犯諱撤去急命小胥取床頭十卷來十卷固亦自別高下而小胥抱卷急趨逾限而仆倉皇甚信手拾取以進鄂公即取最上一卷置十名進呈

欽定第一即今儀部鄭前邨郎中杼

同

孫枝蔚字豹人三原布衣明甲申散家財求壯士起義不果走江都學賈立致千金忽自悔散其金折節讀書以詩名世康熙已未舉博學鴻詞辭不允促來試未終場出以品望素著

特授中書舍人銜有漑堂全集

二南遺音

李因篤字子德一字天生富平人受業文太青長交顧亭林康熙己未以布衣試鴻博授檢討母老疏三十七上乞歸彭公啟  
豐序李石臺集論

國初鴻博首推關西李氏而以湯潛菴次之朱竹垞毛西河汪  
鈍翁施尙白又次之有漢詩評受祺堂詩行世文集未梓

楊炳字蔚友號郢川鍾祥人雍正元年癸卯 恩科會元卷呈

御覽奉

硃批卓識名言不獨優于諸卷卽近科亦不見欽此 殿試探  
花及第授翰林院編修

召入 內廷行走

賜廬圓明園左側歷陞侍讀學士充 日講官起居注典試順

天江西提督福建學政疏請終養歸里

湖北詩錄

王懋竑字子中寶應人康熙戊子舉人戊戌進士在京師以廉潔爲李安溪湯潛菴二公所稱賞分派教習期滿當授縣令以養母求教職遂授安慶府教授雍正元年

硃筆寫出蔡世遠王懋竑喬崇修此三人着調來京懋竑擢翰

林院編修

尙書房行走

淮海英華集

蕭侍讀惟豫順治甲午中第五名庚子主江西試吉水李尙書

振裕年甫十五閱卷決爲大器名列第五云以衣鉢傳之

藤陰雜記

人傳王偉人先生庚辰鄉闈中主司擬解首本房爲署寶鷄令

全椒郭公元灝特請改置第七問其故則曰某家凡入鄉闈所

取七名門生多中鼎甲者如某某皆然請再以試此生主司許

之韓城公果以辛巳狀頭入詞館

柳崖外編

順天萬維嶽嵩自謂平生與復聖有緣其入學題乃夫子循循

然善誘人食餼則博我以文約我以禮丁酉領解顏淵喟然歎  
章明年

御試克己復禮爲仁庚戌會試三書題無顏子語榜發房師乃  
先考功也先考功名光敏字修來

樂圃  
開述

樞廳載筆卷七

國子監祭酒法式善編

掌故一

天聰八年四月

命禮部考取通滿洲蒙古漢書文義者取中滿洲習滿書者剛  
林敦多惠滿洲習漢書者察不害恩國泰漢人習滿書者宜成  
格漢人習漢書者齊國儒朱燦然羅繡錦梁正大雷興馬國柱  
金柱王來用蒙古習蒙古書者俄博特石岱蘇魯木共十六人  
俱

賜爲舉人宴於禮部各

賜衣一襲免人丁四名

人與通志

崇德三年八月

賜新中式舉人羅碩常飛胡邱阿濟格畢禮克圖王文奎蘇宏  
祖楊方興曹京張大任于變龍等十一名各朝衣一襲授半箇

牛策章京品級免人丁四名

同上

六年六月內三院大學士范文程希福剛林等奏以滿漢蒙古  
士人考取生員並舉人七月

賜新中式舉人滿洲鄂貌圖赫德蒙古杜富漢軍崔光前卞三  
元章于天下爲鳳各朝衣一襲

同上

書稱時亮天功詩言靖共爾位重官箴以明職守也前代陪京  
卿寺皆備官率視爲養閑之地

國家百度維新尊盛京以重根本量地之遠近而分鎮帥酌  
事之繁簡而留諸部郡邑長吏師儒亦哀生齒人文爲損益焉  
豈非慎名器以程實課功歟若夫時亮靖共之義百爾君子其

勗之矣

盛京通志

三代而下選舉之法惟漢爲近古然漢初所舉卓然傑出者無聞孝武時丞相綰言所舉士多治申商韓非蘇張之言亂國政請俱罷奏可元光元年舉賢良廣川董子對策請令列侯郡守二千石歲貢二人且以觀大臣之能帝覽其策三試皆異之遂擢爲江都相而下詔郡國歲舉孝廉各二人後世舉士之制雖屢更然鄉舉士恒稱以孝廉所舉士賢且良二千餘年亦莫有先董子者廣川今河間府景州然則論選舉於京畿法之始基人之殊尤竝於是乎在矣金元以來嘗爲帝都列國貢士所畢萃也有明兩京竝建國學天下人材皆得與應天順天之試故兩京得人尤盛我

國家定鼎以來國學定於一於是天下之人材悉萃於順天而

八旗人士竝與春秋二試關以東明隸山東今亦試於京兆  
聖代龍興秀傑之氣咸會於此率土莫敢望焉

今上御極益崇斯典始設恩科遞增中額計偕之士築館遣  
官而郊勞之闈中別給袍衣遣大臣視食飲皆古所未聞也其  
侏

殊恩猶不勝紀多士徘徊蘆溝賓館遙望北闈有不感而思奮  
者乎人材治國之本也稽自漢以來諸科竝著於篇後之覽者  
俯仰今昔知作人之化惟

昭代爲獨隆而尤莫盛於京畿云

畿輔通志

東南人才之美由來尙矣自漢高入關匡扶大業多出沛豐而  
勝國起濠州羽翼功臣封公侯者二十餘輩皆南產也是固際  
會之適然然而數百年來名卿碩輔項背相望亦何嘗不從科

自致身哉我

興朝立賢無方鈞涓耕莘青雲咸可自致而闢門之求猶於糊  
名易書加意者蓋必令野無遺賢而後愉快也彼熊羆貔虎之

入穀又奚異焉

江南通志

取士之制晉魏以上賢良射策而薦辟得人爲多隋唐迄今科  
目特重以帖括代羔鴈司馬君實謂其法百世不易矣江西名  
卿碩輔先後相望考其始進率由此塗雖拔十得五未必無失  
而編乘者必數名而書俾後之人閱而指之曰某也科名不愧  
某則否其亦有助於風礪乎至丙科監胄韎韐跗注功名尤著  
者亦附而錄之立賢固無方哉

江西南通志

蓋天生人才自足以供一代之用古者取士無專制唐宋以來  
始重科目勲業才智之士亦往往于是出焉風會所尙下卽赴

之以爲的也

國朝叅酌前代有進士有孝廉有明經卽入貲爲郎暨胥吏之屬皆不限其所至近復薦辟博學鴻詞誠可謂立賢無方之曠典而其在兩浙尤稱濟濟故凡鄉會所錄悉詳姓氏而其餘躋

顯仕者亦得備列猗歟盛哉

浙江通志

天地生才止有此數而所生之才適足以供一代之用然則世需才乎才需世乎人重地乎地重人乎閩溪山秀麗扶輿靈淑之氣唐以前未盡發洩長溪薛令之實舉於神龍之世乃謂常袞教閩人知學泉歐陽詹始第進士何也貞元以後科名與上國齒至宋則理學政事文章風節號稱極盛明以帖括取士三百年中名卿碩輔何嘗不以科目顯而論者謂選舉不足以盡人才抑又過矣我

國家賢闕廣闕糊名易書之典仍明之舊百年之中丹山碧水野無留良重以

世宗憲皇帝文教涵濡人文成化我

皇上崇隆儒術表正士風側席之求徵書與春秋二試並舉海濱鄒魯復見于今所謂才需世而地重人者豈僅以報

國文章爲閩人士慶哉循覽題名宜深踴躍

福建通志

虞書周禮用人之制尙矣漢用公府州郡辟舉而賢良對策則科目由此昉也吳陸遜旣封侯復從州縣辟其重始進如此進士始於隋至唐益重號爲將相科宋馮京之三元鄭獬之忠孝狀元元余闕之天挺忠烈皆楚產也前明尤重此科得人爲盛言制藝者率折衷焉我

朝文教蔚興楚材輩出卽以經義言之若劉若熊紙貴京師傳

誦遍海內亦科舉之美談也我

皇上增廣甲乙科又

命各省舉孝廉方正蓋立賢無方兼採古今之制薄海彈冠彬彬稱極盛云昔郤縠之敦詩書杜預之釋左傳文武兼備史不乏人今

皇上得人之盛卿材將畧兼收互用豈有岐視哉

湖廣通志

科目何以曰選舉志科目之所由來也漢舉賢良矣而兼對策豈惟周禮三物賓興之法抑亦虞廷明試敷奏之遺故唐舉進士重之曰將相科也宋元以還若歐陽楚國李文正文章事業炳然爲科目光其餘谷子雲之舉茂才桓東鄉之舉孝廉豈有異趣哉存選舉之名以志科目所由來則人材在學問中矣我朝樂育振興人材蔚起循吏名臣文武將相出于選舉者後先

相望維楚有材夫豈讓美前代哉

湖南通志

國家用人不拘資格而以科目取士其制最重定以子午卯酉  
年秋八月舉鄉試丑未辰戌年春二月舉會試閏奉

特旨開科隨時定期更爲曠典伏查順治元年

恩詔直省府州縣學有才學出衆孝弟著聞者聽學臣特薦試

用

詞後凡遇

覃恩頒

詔必先

二年初行鄉試山東仍

照舊額中式九十名

內有孔顏曾孟四氏學另編耳字號卷三

三

年初行會試取中四百名四年再行會試取中三百名

是科詔凡

二年中式而六年會試取中四百名八年

恩詔廣額山東鄉試加中十名

不爲

又定滿洲蒙古漢軍與漢

人一體應試分額取中

滿洲蒙古爲一榜漢軍漢人爲一榜嗣後試或停復不一額亦增減不同但合

爲一榜鄉

九年會試取中四百名分南北中卷

山東爲北卷後南北中各分左

會試同

五

五

右山東爲北左自康熙五十一年定卷數分額而南北中卷停

恩詔廣額山東加中五名

不爲

十五年定會試中額爲一百五

十名十六年

因雲貴蕩平天下統一統

再行會試取中三百五十名十七年

定直省鄉試額各減舊額之半山東定額四十大名

舊額九十四名不減外原額合八十八名城半應四

十四名加耳字號二名爲四十六名

十八年

恩詔會試廣額取中四百名康熙八年

恩詔山東鄉試加中七名

不爲

九年會試取中三百名十五年

加會試正額四十五名十六年特行

恩科鄉試

專考貢監官生除順天專

差考試山東西等省就河南省考試取中十一名

十八年

特開博學宏詞科三十五年加山東鄉試正額十四名

合前數爲六十

名三十九年定官卷例

在內文官京堂以上並翰林科道吏禮二部司官武官參領以上在外女官藩

臬以上武官提鎮以上之子孫及同胞兄弟併同胞兄弟之子不論貢監生員俱編爲官字號每省以正額爲準每十名民卷

中九名官卷中  
一名零數不計  
四十一  
年定五經取中額  
士子額作五經者鄉  
會試酌量取中不得  
過三名康熙五十年各省鄉試加中一名會試加中二名雍正  
元年定例不拘鄉會試以中額計算凡十九名五分中一名

四十四年  
恩詔廣鄉會試額  
每首加中十名不爲四十八年

恩詔廣會試額取中三百名併廣五十年鄉試額  
每正額十五  
名廣一名五

十年加增山東鄉試正額十二名  
併前額爲七十二名外加五  
名經三名本科又加 恩廣八

爲例五十二年特開  
各五十二年定會試額照各旗省終場卷數臨期奏請定額著

爲例五十二年特開

萬壽恩科二月鄉試八月會試  
中額照舊例行雍正元年特開 恩科

四月鄉試十月會試  
是科山東鄉試取中九  
十二名會試遵例行二年補行正科二

月鄉試八月會試  
鄉試仍照舊額會試仍遵舊例  
奏請定額是年題請山東耳字號增中一名  
臨期照卷數

并前共三名于原額內  
分中自丙午科爲始  
八年十一月卿雲現於闕里

特詔明年庚戌科會試廣額加舊額之倍又廣壬子科直省鄉試額每正額十名廣一名零數亦廣一名

本朝選舉之典于制科外尚有歲貢選拔貢副榜貢恩貢監貢功貢例貢或送監肄業或咨吏部考用其制甚詳皆作正途遷轉但人數浩繁各詳州縣本志茲不備載至于徵辟一典凡賢良方正與山林隱逸宜乎代不乏人而歷年以來屢奉綸而東省以應召顯者絕少是以舊志缺

山東通志

唐虞取士敷奏以言明試以功車服以庸制科之設蓋亦古者言揚之遺意也多士幸逢右文

盛世登明選公雖山陬僻邑亦靡不願家修廷獻以上佐唐虞之至治則科目誠不可以不志而隋唐以前孝廉方正諸科卓

卓有可表見者均得備列焉所以存掌故也

山西通志

凡會試中額順治三年初行會試取中四百名四年再行會試取中三百名其應試舉人憑文取中不分南北中卷六年會試

取中四百名八年

恩詔會試照三年例取中四百名南卷取中二百三十三名北卷取中一百五十三名按陝西中卷取中一十四名十五年會試額數減半每科取中進士一百五十名十六年雲貴蕩平再行會試增額三百五十名十八年

恩詔會試中式照丙戌科增額四百名仍分南北中卷照應試舉人多寡隨時定額康熙九年會試加中額三百名十五年恩詔加中四十六名康熙三年會試減額中一百五十四名十五年會試增加一百五十名五十二年

萬壽開科照順治丙戌科例於八月內舉行會試會試臨時奏聞定額康熙五十四年會試陝西取中九名按是科陝西會試一百九十四卷康熙六十年禮部等議准於雍正元年特開恩科九月舉行

會試十月殿試甲辰會試改期於雍正二年八月舉行會試九月殿試其廣額之處禮部臨期請

旨甲辰正科仍照定額取中

按雍正癸卯甲辰會試正榜之外另有額榜以上合各直省取士之

制但陝省會試年分及中額多寡之數即因之可考

鄉試中額順治二年陝西省中式七

十九名

內寧夏丁字號中二名  
甘肅辛字號中二名八年

恩詔陝西加十名十一年陝西加中五名十七年鄉試照舊額

減半陝西中四十名

內丁字號半字號各中一名

康熙八年陝西加中七名

十六年特行鄉試陝西會在河南考試科舉十五名取中一名

二十年

恩詔加二十三年鄉試中額小省三名

按陝西例入小省

康熙三十五年

年各省鄉試增額陝西增十三名共取中五十三名四十二年

恩詔加四十四年鄉試舉人小省三名

陝西例入小省五十年鄉試廣

額陝西增十名五十二年

萬壽開科照順治丙戌科例於二月內舉行鄉試康熙六十一年禮部等議准于雍正元年

詔開恩科四月舉行鄉試癸卯科鄉試改期于雍正二年二月舉行

恩詔內鄉試大省廣三十名次省廣二十名小省廣十名陝西省于雍正元年廣額一次其癸卯正科仍照定例取中雍正八年

恩詔加十一年直省鄉試舉人每中額十名加中一名陝西加中七名又題定神木等八縣另編木字號于本省額內取中一名五經中額康熙四十一年鄉試各省加中三名五十年各省再加中額一名至五十六年而罷雍正二年以入場卷數擬定

計中額十九名五分加五經中額一名陝西加五經三名

陝西通志

周官以鄉三物興萬民而儀禮亦載鄉飲酒禮古者三年大比之法此其遺制也漢世用人不一途武帝策試賢良郡國計偕親奉大對所謂習先聖之術明當世之務而公孫宏董仲舒之徒彬彬出焉自隋唐設進士於是甲科丙第程試之目益多洎於有明而制科猶循舊典也夫鄉舉里選厥風寔遙文章擢士肇自前古顧人材所在多有其懷才欲試與伏處而抱負不出者槩不乏人宋世河南得人為盛而韓魏公由進士富鄭公舉茂材伊川程子則以布衣論薦其勲名德業均不在古人下詎必定以一途限哉我

皇上加意人才整飭吏治於科目舉官

殊恩疊沛復屢

詔內外臣工詳慎察舉以收有用之才得人之隆千古稱極盛

矣

河南通志

粵選舉固有人哉楊孚之文唐頌之行士燮之功莫宜卿輩之  
哀然舉首實南土之光矣然宋人謝解表云以孝弟忠信爲實  
地以功名富貴爲飄風則知士有大本大原焉周書曰以言取  
人人竭其言以行取人人竭其行今恭逢  
聖人廣求賢士言揚行舉搜羅徧岩壑矣豈

上之人以實求之而下之人匿以名應之歟抑務經明行修刮

垢磨光連連杰杰以思利見歟

廣東通志

虞廷咨采周家賓興漢察郡國孝廉唐開制科選士之制代更  
而所以得人之意同矣我

國家文治光昌

皇上立賢無方科目之外自賢良方正下逮一材一藝皆拔於幽隱而置之周行粵西前哲如趙觀文梁嵩王世則馮京冠制科魁天下詞章彪炳頡頏上國焉今粵人士涵濡樂育心聲之發揚爲

國華應休明熙

帝載庶幾與立德立功無虛明試也夫

廣西通志

取士之制漢唐宋明以來凡幾更矣或舉賢良或策詩賦或試經藝要其延攬英豪舉於鄉而登於朝者異世有同揆也蜀中山水奇秀素稱人才淵藪至我

朝闕門籲俊念切旁求而又疊奉

恩綸加科廣額蜀士之登賢書捷南宮者類多瑰奇磊落出而應昌隆之運其或敦行積學未得與於科目者復有薦辟以

搜羅斯在野無遺賢矣至若鷹揚之選智勇咸得以自見亦干

城所由寄也文事武備孰得而異視焉

四川通志

本朝順治十七年雲南初定首舉鄉試照舊額取中五十四名是科各省鄉試俱照舊額減半康熙二年定雲南鄉試照舊例減半中二十七名外加額五名五年始開雲南武鄉試額中二十七名八年加額三名二十三年加額三名定會試南北中卷雲南仍屬中卷議准雲南舉人願就教職者就本省考試解卷禮部閱送吏部補授三十五年巡撫石文晟請增鄉試額文武各十五名三十八年太和殿告成增額三名武鄉試仍四十二名四十四年增額三名五經卷額三名四十七年巡撫郭際請增鄉試額五名五十年增額九名本科加額三名五經卷額一名議准兵丁中有能通文理者一體入武鄉試五十二年開

萬壽恩科額六十名五十三年准文生入武鄉試武生入文鄉  
試定會試額畢三場者二十名內取一名雍正元年開 恩科  
加額十名搜會試遺卷雲南

欽取二名其癸卯正科以甲辰二月補行令各府州縣學拔貢  
生員中有文行兼優者選入監肄業每 年舉行一次寧嚴勿  
濫四年加額三名五年

詔各直省府州縣貢生生員內有居家孝友行止端方才堪辦  
事而文藝可觀者督撫學臣保舉送部引

見七年

命鄉試文武闈不用藩臬入場以守巡二道員爲提調監試官  
八年

命新科進士自考選翰林部曹外發往鄰省觀政給以公費

年加雲南鄉試額九名十一年搜會試遺卷雲南

欽取二名

雲南通志

順治十七年定貴州解額二十名康熙二年增貴州解額五名五年仍定貴州解額二十名八年增貴州解額三名十一年定額每科取副榜四名准貢入監二十一年補行辛酉科鄉試仍照五年額數取中二十名二十三年增貴州解額三名定會試南北中卷貴州屬中卷三十五年從巡撫閻興邦請照廣西解額定中三十名外副榜六名三十八年 太和殿告成加貴州

本科解額三名四十四年

恩詔加本科解額三名五十年定貴州解額三十六名外增五經二名副榜一名

恩詔加本科解額三名五十二年

萬壽恩科額外增五經四名五十六年停五經中額雍正元年開恩科貴州鄉試加本科解額十名其癸卯正科以甲辰二月補行四年增五經二名共解額三十八名

諭各省學臣將有猷有守之士舉薦二三人五年

諭各省生員中有文行兼優者每學各舉一人七年

諭京官自主事以上外官自知縣以上各舉所知一人以四川遵義府五州縣及湖廣五開平溪清浪各縣衛歸貴州撥四川解額四名湖廣解額二名外五經二名共解額四十四名副榜八名十年

恩詔增貴州本科解額五名十三年

諭各省官生中每十名取中一名乾隆元年開恩科貴州鄉

試加本科解額十名

貴州通志

乾隆十六年三月十一日內閣奉

上諭此次考中之謝墉陳鴻寶王又曾皆取其最精者且人數亦不多著加恩特賜舉人授爲內閣中書學習行走令其與考取候補人員一體補用併仍准其會試欽此乾隆十六年三月三十日內閣奉

上諭此次考中之蔣雍植錢大昕吳煥緒寅亮吳志鴻著照浙省之例特賜舉人授爲內閣中書學習行走與考取候補人員一體補用其進士孫夢遠著授爲內閣中書遇缺補用欽此乾隆二十二年三月初八日內閣奉

上諭浙江進獻詩賦考取一等之童鳳三陳文組顧震錢受穀著照乾隆十六年之例俱特賜舉人授爲內閣中書學習行走與考取候補人員一體補用其二等沈初等十二名著各賞緞

二正欽此乾隆二十二年三月二十一日內閣奉

上諭江蘇安徽二省進獻詩賦考取一等之進士王昶着授爲內閣中書遇缺卽補曹仁虎韋謙恒吳省欽緒廷璋吳寬徐曰璉俱着特賜舉人授爲內閣中書學習行走與考取候補人員一體補用其二等之劉潢等十四名着各賞緞二疋欽此乾隆二十七年三月初十日內閣奉

上諭浙江進獻詩賦考取一等之進士孫士毅舉人汪孟錫俱授爲內閣中書遇缺卽補沈初王鑾俱着特賜舉人授爲內閣中書學習行走與考取人員挨次補用其二等之李旦華等十三名着各賞緞二疋欽此乾隆二十七年三月二十八日內閣奉

上諭江蘇安徽進獻詩賦諸生考取一等之進士吳泰來陸錫

熊郭元澂俱着授爲內閣中書遇缺卽補程晉芳趙文喆嚴長明徐步雲錢襄俱着特賜舉人授爲內閣中書學習行走與考取候補人員挨次補用其考列二等之劉潢等十四名着各賞緞二疋欽此乾隆三十年閏二月十四日內閣奉

上諭浙江進獻詩賦考取一等之進士張培馮應榴舉人吳壽昌俱着授爲內閣中書遇缺卽補陸費墀着特賜舉人授爲內閣中書學習行走與考取候補人員挨次補用其二等之黃瀛元等十四名着各賞緞二疋欽此乾隆三十年三月十七日內閣奉

上諭江蘇安徽進獻詩賦諸生考取一等之舉人鄭澐張熙純俱着授爲內閣中書遇缺卽補鮑之鍾金榜秦潮周發春吳楷洪樸陳希哲蔣寬劉種之俱着特賜舉人授爲內閣中書學習

行走與考取候補人員挨次補用其二等程世淳等二十一名  
着各賞緞二疋欽此乾隆三十六年二月二十九日內閣奉

上諭此次考試東省進獻詩賦之生員初彭齡監生竇汝翼俱  
着加恩賞給舉人准其一體會試欽此乾隆三十八年三月二  
十日內閣奉

上諭朕因永定北運兩河工程告藏涖省成事臨幸天津直省  
士子夾道歡迎輸忱蹈詠進獻詩冊者甚多爰照從前巡幸江  
浙山東之例命題考試就其文義高下量加錄取所有列在一  
等之生員顧莖李廷敬貢生閔思毅陸伯焜俱着賞給舉人其  
舉人杜兆基着以內閣中書補用其列在二等之進士張虎拜  
舉人方理秦櫟邱桂芬謝肇洄吳裕德祝莖生員陸蓉邱桂山  
劉祖志貢監生邱人龍楊照李憲喬趙珍俱着賞緞二疋以示

省方觀風嘉惠譽髦之至意欽此乾隆四十一年三月十七日  
內閣奉

上諭朕因平定兩金川集勲奏凱巡幸山左告成泮林山東及  
各省士子聯袂迎鑾抒誠抃頌進詩賦者甚多因照從前巡幸  
之例命題考試就其文義量加甄錄所有列在一等之貢生黃  
道熙李憲喬監生蔡廷衡俱着賞給舉人其舉人竇汝翼秦瀛  
著以內閣中書補用其列在二等之舉人貢監生員李佩鸞黃  
玉珣王所擢汪長齡朱熊光薛倂丁愷樞袁守佶嚴守田戴元  
章施福元王寔劉召揚范廷謨史國華汪燹銘俱賞緞二疋以  
示優武修文慶惠士林之至意欽此乾隆四十一年四月二十  
一日內閣奉

上諭朕因平定兩金川告成

闕里回鑾舉行郊勞盛典蹕途經過津門直省及各省士子悉  
迎道左抃頌抒誠進獻詩賦者甚多因照此次在東省召試之  
例就其文義量加甄錄所有列在一等之進士舉人邱桂山  
莖洪榜戴衢亨關槐俱着以內閣中書補用祝萬年方起莘張  
曾太俱着賞給舉人其列在二等之舉人貢監生員周光裕陸  
滋李蔚觀王奉曾郭緯鑾葉汝蘭薛蓉張元楷張景運王績著  
黃繼光周贊錢敬熙黃驛吳蔚光蔣傳馨周嘉猷王丕烈黃景  
仁邱桂芬俱着賞緞二疋以示嘉惠士林之至意欽此乾隆四  
十五年三月初十日內閣奉

上諭浙江進獻詩冊考取一等之馬履泰沈颺李彤沈叔埏着  
特賜舉人授爲內閣中書學習行走與考取候補人員挨次補  
用其二等之吳純等十三名俱着賞緞二疋欽此乾隆四十五

年三月二十八日內閣奉

上諭江蘇安徽進獻詩冊諸生其考取一等之舉人汪履基着授爲內閣中書遇缺卽補呂光復洪梧趙懷玉楊揆董教增朱文翰盛惇大言朝標金廷訢江漣俱着特賜舉人授爲內閣中書學習行走與考取候補人員挨次補用江西考取一等之蔣知讓裘元復着照直隸山東召試之例賞給舉人准其一體會試其江蘇安徽江西三省考列二等之葉恩綬等二十三名著各賞緞二疋欽此乾隆四十九年三月二十八日內閣奉

上諭浙江福建進獻詩冊考取一等之張師誠費錫章何金姚祖同俱着特賜舉人授爲內閣中書學習行走與考取候補人員挨次補用浙江省考列二等之吳純張廷桂張彤王觀沈澍錢枚朱光烈汪步瀛黃絲麥鉞朱孫垣應澧許翼宗楊本翁樹

沈珏翁濂陸以誠福建省列爲二等之鄭光策詹碧炎王上泰俱着各賞緞二疋欽此乾隆四十九年閏三月初十日內閣奉上諭江蘇安徽進獻詩冊考取一等之進士莊選辰着授爲內閣中書遇缺卽補劉召揚鄭宗洛黃文輝汪彥博司馬亶葉銓孫一元繆炳泰莊復旦程振甲張曾獻鮑勳茂金應琦朱承寵俱着特賜舉人授爲內閣中書學習行走與考取候補人員挨次補用江西省考取一等之譚光祥吳本着照上屆之例賞給舉人准其一體會試其江蘇安徽江西三省考列二等之周愛蓮蔣光世袁肅陸甲林張雲培周嘉植唐仁埴秦智銍徐準宜詹應甲洪士達唐廣模汪文錦胡鳳儀印鴻緯畢敦吳楷徐嵩張詒顧鳳毛翟金蘭黃鉞王浦程尙義吳紹棟方熊唐人最巴慰祖閔道恂葉棟蔣知廉趙本治方振伍延壽黃旭裴元異着

各賞緞一疋欽此乾隆五十三年三月初一日內閣奉

上諭此次巡幸天津直隸及各省士子迎鑾獻賦因令分別考試所有考取一等之舉人陳煜著賞給內閣中書與考取候補人員照例挨次補用貢生王蘇王芑孫生員吳鎔著賞給舉人准其一體會試其考取二等之劉寶梧黃掌綸叢之鍾邵士鐸俱着各賞緞一疋欽此乾隆五十五年三月初七日內閣奉

上諭此次巡幸山東所有東省及各省士子迎鑾獻賦特加考試其考取一等之貢生杜堉生員程拱宇俱着賞給舉人准其一體會試其考取二等之元保李廷芳李堯詢蔣天樞黃旭何增張興鏞沈清瑞俱着各賞緞一疋欽此乾隆五十九年三月二十七日內閣奉

上諭此次巡幸天津直隸及各省士子迎鑾獻賦因令分別考

試所有考取一等之浙江舉人姚文田着賞給內閣中書與考  
取候補人員挨次補用其考取二等之江蘇生員汪廷楷浙江  
舉人周嘉猷江蘇生員袁廷極順天生員黃焜望順天舉人俞  
恒渙俱着各賞緞二疋其八十三歲完卷之山西生員范大齡  
亦着賞緞一疋銀牌二面至不完卷並抄襲詩句之湖北貢生  
吳煥章着卽斥革以示朕壽考作人懲勸儒林之至意欽此乾  
隆十六年

召試浙江諸生題目賦得披沙揀金得真字五言八韻明通公  
溥論無逸圖賦閱卷大臣協辦大學士吏部尚書梁詩正兵部  
右侍郎汪由敦一名謝墉乾隆十六年

召試江南諸生題目蠶月條桑賦賦得指佞草得忠字五言八  
韻理學真偽論閱卷大臣大學士總督江南南河河道兵部尚

書高斌兵部右侍郎汪由敦刑部左侍郎錢陳羣一名蔣雍植  
乾隆二十二年

召試浙江諸生題目黃屋非堯心賦明通公溥論賦得蠶月條  
桑得留字五言八韻閱卷大臣大學士蔣溥工部尚書秦蕙田  
戶部左侍郎劉綸一名童鳳三乾隆二十二年

召試江南諸生題目精理亦道心賦經義制事異同論賦得鴻  
漸于陸得時字五言八韻閱卷大臣協辦大學士吏部尚書梁  
詩正兵部尚書兩江總督尹繼善都察院左副都御史寶光  
一名王昶乾隆二十七年

召試浙江諸生題目賦得春雨如膏得逢字五言八韻和闕玉  
賦以分寶輯瑞西旅底貢爲韻海塘得失策閱卷大臣大學士  
劉統勳戶部尚書于敏中兵部尚書劉綸一名孫士毅乾隆二

十七年

召試江南諸生題目賦得江漢朝宗得宗字五言八韻觀回人繩伎賦耗羨有無利弊策閱卷大臣兵部尙書兩江總督尹繼善兵部尙書劉綸戶部右侍郎于敏中一名程晉芳乾隆三十年

召試浙江諸生題目菜花賦誠無爲幾善惡論賦得春蠶作繭得同字五言八韻閱卷大臣戶部尙書于敏中兵部右侍郎蔣棟禮部左侍郎雙慶內閣學士兼禮部侍郎全魁一名張培乾隆三十年

召試江南諸生題目賦得稼穡惟寶得夫字五言八韻玉壺冰賦聖人定之以中正仁義而主靜論閱卷大臣御前大臣大學士仍理兩江總督事務尹繼善協辦大學士刑部尙書暫習工

南巡撫莊有恭戶部尚書于敏中戶部左侍郎兼管順天府府尹事錢汝誠安徽學政全魁一名鮑之鍾乾隆三十六年

召試山東諸生題目同律度量賦四極四和論賦得泰山不讓土壤得容字五言八韻閱卷大臣協辦大學士戶部尚書于敏中一名初彭齡乾隆三十八年天津

召試諸生題目上德不德下德不失德賦規圓矩方準平繩直論賦得春水船如天上坐得時字七言八韻閱卷大臣協辦大學士戶部尚書于敏中內閣學士兼禮部侍郎嵩貴宗人府府丞竇光鼐一名顧瑩乾隆四十一年

召試山東諸生題目東方三大賦惟大人爲能盡其道論賦得崑山片玉得精字五言八韻閱卷大臣文華殿大學士掌翰林院事于敏中原任兵部尚書彭啟豐戶部左侍郎梁國治一名

黃道熙乾隆四十一年天津

召試諸生題目黃金臺賦神者太虛妙應之目論賦得天道無  
爲得然字五言八韻閱卷大臣文華殿大學士掌翰林院事于  
敏中吏部左侍郎德保戶部左侍郎梁國治禮部左侍郎李宗  
文一名邱桂山乾隆四十五年

召試浙江諸生題目集賢院山池賦木之神不二論賦得春風  
扇微和得巡字五言八韻閱卷大臣協辦大學士吏部尚書掌  
翰林院事稽璜吏部右侍郎江蘇學政今任湖南巡撫劉墉禮  
部左侍郎達椿一名馬履泰乾隆四十五年

召試江南諸生題目養老乞言賦先天學心法也論賦得日華  
川上動得輝字五言八韻閱卷大臣協辦大學士吏部尚書掌  
翰林院事稽璜戶部尚書梁國治戶部左侍郎董誥戶部右侍

郎江蘇學政彭元瑞內閣學士兼禮部侍郎嵩賢一名呂光復  
乾隆四十九年

召試浙江諸生題目禮義爲器賦暑變物性論賦得南埗北漲  
得心字五言八韻閱卷大臣文淵閣大學士兼吏部尚書掌翰  
林院事嵇璜戶部尚書和珅內閣學士兼禮部侍郎尹壯圖內  
閣學士兼禮部侍郎朱珪一名張師誠乾隆四十九年

召試江南諸生題目士伸知己賦謹權衡論賦得至人心鏡得  
無字五言八韻閱卷大臣戶部尚書和珅協辦大學士戶部尚  
書梁國治戶部左侍郎董誥內閣學士兼禮部侍郎朱珪翰林  
院侍讀學士阿肅一名劉召揚乾隆五十三年天津

召試諸生題目石渠傳誨賦自誠明謂之性論賦得周而不比  
得同字五言八韻閱卷大臣文學殿大學士忠襄伯和珅東閣

大學士教習庶吉士王杰工部尙書福長安戶部尙書董誥一名王蘇乾隆五十五年

召試山東諸生題目春蠶作繭賦五六天地之中論賦得泗濱浮磬得和字五言八韻閱卷大臣文華殿大學士忠襄伯和珅戶部尙書董誥一名杜墀乾隆五十九年天津

召試諸生題目有如時雨化之賦一動一靜互爲其根論賦得首夏猶清和得潛字五言八韻閱卷大臣文華殿大學士掌翰林院事教習庶吉士忠襄伯和珅戶部尙書董誥禮部右侍郎劉躍雲內閣學士兼禮部侍郎翁方綱一名姚文田

絲綸簿